



LG Hackathon

उपराज्यपाल मनोज सिन्हा हो'रें सब्भनें तालीमी इदारे गी जोर देइयै आखेया ऐ जे ओ 2047 तगर भारत गी इक विकसित मुल्ख बनाने दे लक्ष गी हासल करने लेई आधुनिक विद्यार्थिये लेई आधुनिक टेक्नॉलोजी कन्ने लैस बवस्थां ते महौल त्यार रखन। जम्मू युनिवर्सिटी च इन्नोवैथान वन प्लाइट ओ तैहत आयोजित 48एं घंटे दी राष्ट्रीय हैकाथॉन दे समापन समारोह दौरान कल अपने सम्बोधिने च एल.जी हो'रें आखेया जे भारत गी आर्टिफीशल इंटेलीजेंस ते उपकरणें राएं सिक्खने दे क्षेत्र च अगड़े बधना गै होग। उ'नें आखेया जे अज्जै दे भारत दा युवा छड़ा इक पास्सै खड़ोइयै दुनिया च होआ'रदी तरक्की गी दिक्खदा नैई- सगुआं ओ आपू तरक्की दे इस सफर गी रूप देने आहला इक निर्माता ऐ- उ'नें आखेया जे भारतीय युवा अज्ज दुनिया गी बत दस्सा करदा ऐ ते अपनी छमता- ज्ञान ते समर्था कन्ने अपना लोहा मनोआ करदा ऐ। उ'नें आखेया.



Assembly Proceedings

जम्मू-कश्मीर विधानसभा च अज्ज बी 2026-27 आहले बजट तैहत ग्रांट मंगें पर चर्चा ते मतदान होग। मुखमंत्रि उमर अब्दुल्ला हो'र बिजली- प्रदेश एक्साइज ते टैक्स- शिक्षा- खेड्डे- संस्कृति- मैडिकल ते सार्वजनिक सेहत- सैलसफा- एस.सी.- एस.टी- ओ.बी.सी. दी भलाई-बेहतरी- पशु पालन ते होरनें केई विषये पर ग्रांट मंगां सदन दी मंजूरी लेई रखगंन। तोंआई कल विधानसभा ने केई बक्ख-बक्ख मैहकमें दिये ग्रांट मंगें गी मंजूरी दिती- जिंदे च राई-बाई-

ग्रामीण विकास- सहकारिता ते चुना शामिल हे। इंदे पर कल दिनभर सदन च चर्चा चली ही। इस दौरान मंत्री जावेद अहमद डार होरें आखेया..

<><><><><><>

Pro –Labour Policies

सरकार नै सदन गी जानकारी दिती ऐ जे उ'नें जम्मू-कश्मीर च ठेकेदारें ते नियमित तौरा उप्पर कम्म करने च मजदूर समर्थक ते लैंगिक समर्थक नीतियां अपनाइयां न। एह गल्ल सेहत ते मैडिकल शिक्षा मंत्री स्कीना इतू होरें विधायिका शगुन परिहार हुंदे आसेया मातृत्व अवकाश लाभ सरबंधी पुच्छे गेदे सवाद दा परता दिंदे होई आकखी। उ'नें एह बी आखेया जे बकख-बकख सरकारी योजनाएं तैहत कम्म करने आहली महिला कर्मचारियें दी सेवा दी शर्ते गी इ'नें योजनाएं दे दिशा-निर्देशें दे मताबक नियंत्रत किता जंदा ऐ।

<><><><><><>

CM Ramadan

मुख्यमंत्री उमर अब्दुल्ला होरें पवित्र Ramadan दे म्हीने गितें तयारियें दी समीक्षा लेई कल इक जायजा बैठक दी अध्यक्षता कीती। उ'नें सरबंधित सब्भनें मैहकमे गी निर्देश दिता जे रोजें दौरान विजन कुसै दिक्कत दे सार्वजनिक सेवाएं दी सप्लाई- शकैतें दे नबेड़े ते इबादत आहली थाहरें पर लोड़चदे सब्भै बंदोबस्त जकीनी तौरा पर कीते जान। मुख्यमंत्री होरें इस दौरान साफ-सफाई- पानी ते बिजली दी सप्लाई- बजारें च जरुरी चीजें-बस्तें दी दस्तयाबी- सेहत दिक्खभाल

आहली बवस्था ते सुरक्षा दे बंदोबस्त जकीनी तौरा पर पेशगी करी रक्खे जाने पर जोर दिता।
उनें बजारे च खाने-पीने दे सम्यान दे म्यार ते भाएं पर बी तक्क रखने दी हिदायत दिती।

<><><><><><>

CBC Poonch

सैन्ट्रल केन्द्री संचार ब्योरे आसेया जिला पुंछ दे मेंढर च सरकारी ITI च VB- जी राम जी-
प्रधानमंत्री कौशल विकास योजना ते राष्ट्री पशुधन मिशन दे बारे च माहिरें दे व्याख्यानें पर
इक-रोजा Integrated Commission ते आउटरीच कार्यक्रम दा आयोजन कीता गया। इस कार्यक्रम
च माहिरें दे व्याख्यान- Drawing Competition- Open Quiz ते सांस्कृतिक कार्यक्रमें दा सरिस्ता
कीता गया। अधिकारियें दस्सेया ज इस कार्यक्रम दा मकसद हुनर विकास ते ग्रामीण आजीविका
दे सरिस्ते लेई सरकारी पैहलकदमियें बारे जागरुकता फैलाना ऐ।

<><><><><><>

ते हुंन बाकि दिएं खबरें कन्नै पवन वर्मा:-

<><><><><><>

Inmates Arrested (Dispatch)

पुलसै दे विशेष कार्जबल अम्बाला नै जंदे संगारें- आर.एस.पुरा दे बाल सुधार गृह च सुरक्षा गार्डें
पर हमला करियै नस्सी गेदे दंऊ पाकिस्तानी नागरिकें गी कल अम्बाला कैंट रेलवे स्टेशन परा
गिरफ्तार करी लैता ऐ। स्हाड़े संवाददाता नै जानकारी दिती ऐ जे एह दवै बाल सुधार गृह च
तैनात दंऊ सुरक्षा गार्डें पर हमला करियै- उत्थुआ फरार होई गे हे। इंदी पंछान 20एं बरे दे

सना'उल्लाह ते 21एं बरे दे अहसान अनवर दे तौरा पर कीती गई ऐ। इस बारे होर मती जानकारी देया'रदे न जम्मू दे स्हाड़े जिला संवाददाता ...

<><><><><><>

SIA Chargesheet

राष्ट्र विरोधी गतिविधियें पर रोक लाने दे इक अभियान तैहत जम्मू-कश्मीर दी जांच एजेंसी एस.आई.ए नै बंदश लग्गे दे आतंकी संगठन हिजबुल मुजाहिद्दीन कन्ने जुड़ी दियें गैर-कनूनी ते राष्ट्र विरोधी गतिविधियें च कथित तौरा पर शामिल होने दे आरोपें च दंड लोकें खलाफ चार्जशीट दाखल कीती ऐ। इ'नें आरोपियें दी पंछान शोपिया दे बसनीक अलताफ हुसैन वागे ते कुलगाम दे रौहने आहले ते इसलै बन्ने पारा गतिविधियां चला'करदे शब्बीर अहमद शेख दे तौरा पर कीती गई ऐ। इ'दे पर आरोप ऐ जे एह नौजवानें च भारत खलाफ बक्खबाद आहली भावना भड़काने ते सोशल मीडिया पर आतंकवाद दे समर्थन च कंटेंट चाढ़ियै- नौजवीनें गी गुमराह करने दा कम्म करा'रदे न। एस.आई.ए दा आक्खना ऐ जे इ'नें दौनें ते इंदे सहयोगी साजशकर्ताएं बारे अग्गे दी जांच जारी ऐ।

<><><><><><>

Kathua Agriculture

मकामी राई-बाई ते उत्पाद जियां आमला कैंडी- मोरिंगा आटा- मल्टीग्रेन आटा ते आर्गेनिक Urad ते मक्क दे बजारें च मती मंग दिक्खने गी लब्बा'रदी ऐ- जेहदे कन्ने घरें च उगने आहले सेहतमंद खाद्य पदार्थें च उपभोक्ताएं दी बधदी रुचि दा पता लग्गा'रदा ऐ। कृषि विज्ञान केन्द्र

कठुआ- कृषि च युवाएं गी आकर्शित ते कम्म करने आहली योजनाएं दे तैहत पैकेजिंग ते मार्किंग च समर्थन ते कन्नै सिखलाई बी उपलब्ध करोआ'रदा ऐ- तां जे उत्पादकें गी खरीदारें तक्कर पुज्जने च मदद थहोई सकै। एह पैहलकदमी महिलायें ते युवाएं गी कृषि उद्यमी दे तौरा उप्पर सशक्त बनाने- ग्रामीण आजीविका गी बढ़ावा देने ते मकामी उत्पादें गी बड्डे बजारें च तक्कर पजाने च मदाद देआ रदी ऐ। आकाशवाणी कन्नै गल्ल करदे होई महिलायें च किश दा आक्खना ऐ.



Doodhpathri Snow Carnival

बडगाम जिले दे दुधपत्थरी दे परिहास च अज्ज दुधपत्थरी सनो कार्निवल शुरु होआ'रदा ऐ। एह अज्ज 12 बजे शुरु होग- जेहदे च मौज-मस्ती ते रोमांच कन्नै जुड़ी दियां चीजां कीतियां जागंन। इस कार्निवल च औने आहले लोक स्नो-शू रेसिंग- Skiing- स्नो क्रिकेट- पैरागलाइडिंग- स्नो Tug of War सनै रंगारंग सांस्कृतिक कार्यक्रमें दा मजा लेई सकदे न। जम्मू-कश्मीर सैलसफा मैहकमें नै सारे अग्गे एह अपील कीती ऐ जे ओ इ'स कार्निवल च औन ते बर्फ प्राकृतिक नजारें ते खेड्डें दा मजा लैन।



Ranji Semi-final

पैहली बारी रणजी ट्रॉफी दे सैमीफाइनल च पुज्जने आहली जम्मू-कश्मीर दी क्रिकेट टीम बचे दे रन्ज बनाइयै पैहली बारी प्रतिष्ठित रणजी ट्रॉफी दे फाईनल च दाखल होइयै इतिहास रचने दी

कगार पर ऐ। बंगाल दी टीम आसेया बनाए गेदे 126 रन्ज दा पिच्छा करदे होई- जम्मू-कश्मीर दी टीम नै कल शामी तक्कर 2 विकटें दे नुक्सान पर 43 रन्ज बनाई लैतै हे। अज्ज मैच दे खीरी ध्याड़े जम्मू-कश्मीर दी टीम गी जित लेई 83 रन्ज होर बनाने न ते उन्दे कोल अजें 8 विकटां पेदियां न। सैमीफाईनल दा एह मकाबला बंगाल दी कल्याणी दी बंगाल क्रिकेट अकैडमी ग्राउंड च खेडेया जा रदा ऐ।

<><><><><><>